



# Synfocity = 496

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

17<sup>th</sup> July, 2014

## □ School titha lawmman sem

Mizoram Synod chuan July 11, 2014 khan Synod Committee Room No.II-ah Presbyterian English School, HSLC result 2014-a ti thate chawimawina hun hmangin lawmman a sem.

He hun hi Rev. P.C. Pachhunga, Executive Secretary i/c Education, PES Committee Chairman ni bawk chuan a kaihrui a, hunserh a hman zawhah Synod Secretary Upa H. Zoliana chuan thu sawiin lawmman a sem nghal bawk. Lawmman sem a nih hnu hian kal khawmte zinga a duh apiang thusawi hun hman a ni a, result tha lawmna thingpui ruai an kilho nghal a ni.

Presbyterian English School din hi Synod 1993 Gen.44-na thuchhuak anga tih a ni a, School hmasa ber chu kum 1995 khan Zarkawt leh Serchhip-ah din tan a ni. School hawn phalna petu chu Synod Executive Committee a ni a, tun thleng hian permission a pek tawh chu 102 niin la pek hmabak 8 an la awm bawk. Kum 2014-a HSLC exam result chhuakah khan school 12 atangin exam beitu an awm a. Chung zinga school 7 chuan 100% passed record an nei thei a, school 4 chuan 90% chin chung lam passed record an nei a, school 1 chu 70% chung lam a ni. Kum 2013 khan HSLC exam beitu hi school 7 an awm a, an vaiin 100% passed record an nei vek a ni.

Kumin 2014-a zirlai HSLC exam beitu zat chu 230 a ni a, an zinga 222 an passed a, Distinction-ah 11, First division-ah 61, second division-ah 103, third division-ah 46 niin a pum puia khaikhawmin pass percentage chu 96.6 a ni a, letter mark hmu thei zirlai 41 an awm. HSLC exam lo awm leh turah chuan school 17-in an hmachhawn thei tawh dawn a ni.

### Kum 2014 lawmman dawngtute chu :

Rank	School	Lawmman
1st.	PES, Serchhip	Desktop Computer
2nd	PES, Ramthar Veng	Rs.12,000
3rd	PES, Saitual	Rs.10,000

### Consolation Prize (Rs.5000 theuh) :

1. PES, Khawzawl Vengthar	3. PES, Kawkulh	5. PES, Nongmysong
2. PES, Khawzawl	4. PES, Keifang	

### Mimal lawmman (Laptop Computer) dawngtute :

- 1 Marie Lalhruiakimi D/o Lalnunchama, Saitual
- 2 Lianthangpuii D/o Vanlalzika, Serchhip
- 3 Lalruatpuii D/o Zorampela, Champhai Zotlang

## □ MPF Constituency Forum Seminar

July 15, 2014 khan Pi Zaii Hall, Synod Conference Centre-ah Aizawl khawpui chung Constituency Forum hruaituten Seminar an nei a, mi 100 vel an tel a ni.

Seminar hi session hnihah then a ni a, session khatnaah hian Upa Lalbiakzuala, Vice President, MPF Gen. Hqrs.-in programme a kaihrui a, Pu J. Lalsailova, Secretary, MPF Gen. Hqrs.-in MPF hruaitute leh kalkhawmte inhmelhriattirna neiin puan tul tulte a puang bawk. Upa F. Lalremthanga, General Secretary, MPF Gen. Hqrs. hnen atangin Mizoram People Forum (MPF) nihphung, kalphung leh hmalaknate zirho a ni.

Mizoram People Forum (MPF) hi Kohhran Pawl hrang hrang leh Tlawmngai Pawl hrang hrang aiawhte kalkhawmin June 21, 2006 khan a din a. MPF hi Mizorama mi zawng zawngte politics siam tha tura tanrualna leh thawhhona tura buatsaih a ni. Kan ramah a chhe zawng politics kalpuina lo hluar chho zel hi Pathian tanpuinaa siamthat hna thawh a tum a, dik taka hna an thawh theihna tura roretute tanpui leh politics dik tak vuan nghet tura mipuite zirtir leh kaihrui hi a tum bulpui ber a ni.

Chawhnu hun hi Upa K. Malsawma, Vice Chairman, MPF Gen. Hqrs.-in a kaihrui a, sawihona hun hman a ni a, MPF hmalak tawhna an hmuh dan te, MPF Forum hrang hrangte chak zawka an kal theih dan tur te leh MPF hmalak zel dan tur te an sawiho a ni.

## □ World Vision leh Synod inkawm

Nimin (July 16, 2014) khan Synod Officers' Meeting remruatnain Mizoram Synod leh World Vision India te Synod Committee Room-ah an inkawm.

He inkhawm khawmnaah hian Mizoram Synod leh World Vision India te thawhhona chungchang leh an rawngbawlhona thlirho chu inkawm hona thu laimu ber a ni. Mizoram Synod-in Mission hna lama hma a lak mek dan te, World Vision India nena an rawng bawlhona kawng hrang hrang te thlir hovin Mizoram chung bika an hmalakna leh a sawt dan te pawh sawi ho a ni a. Thawh ho zui zel dan tur chungchangah thil pawimawh hrang hrang an sawiho bawk. He inkawmhonaah hian Mizoram Synod aiawhin mi pariat an tel a, World Vision India atangin mi pariat an tel bawk.

## □ Zin

July 16 & 17, 2014 hian PCI Assembly Committee a tel turin Imphal, Manipur-ah Rev. Lalzuithanga, Senior Executive Secretary a kal. Rev. Lalzuithanga hian July 19 & 20, 2014 hian New Serchhip Kohhranah Bial Huap Rawngbawltu Seminar a neihpui dawn a, Rev. C. Vanlalhrui leh Rev. Challianngura ten an tawiawm ang.

## □ Synod Bookroom Reduction Sale 2014 a hlawhtling

Synod Bookroom chuan July 7 - 12, 2014 chhung khan Mizoram chhunga Branch zawng zawngah Reduction Sale a buatsaih a, a hlawhtling hle. Tun tum Reduction Sale-ah hian Synod Bookroom-a lehkhaw zawng zawng, Bible, Kristian Hlabu, Communion thil, Kohhran mamawh chi hrang hrang, Stationery item zawng zawng leh School Naupang mamawhte 5% - 80% discount-in hralh chhuah a ni.

Reduction Sale chhunga Synod Bookroom-in sum a hmuh zat chu Rs. 54,21,797/- zet a tling a, nikum (2013) Reduction Sale-a sum hmuh zawng zawng aini Rs. 10,59,123/- lain a tam zawk a ni.

Synod Bookroom Reduction Sale hi kum khatah wawi khat neih thin a ni a, nakkum (2015) July thlaah neih leh a ni ang.

## □ Music

July 18 & 19, 2014 hian Saitual Bial huapin Saitual Kohhranah Zai hrui training neih a ni dawn a, hemi neihpui tur hian Pu Lalromawia, Senior Music Instructor a kal ang.

Contd..

□ **Family Guidance & Counselling Centre**

Family Guidance & Counselling Centre (FG&CC) chuan July 16, 2014 atang khan Synod Conference Centre-ah Kohhran Uplate pualin, Church Leaders' Intensive Residential Pastoral Care & Counselling Training wawi 20-na a buatsaih a, he training hi July 29, 2014 zanah a kharna hun hman a ni ang.

He Counselling training-ah hian Champhai Vengsang, Kawnpui, sialsuk, Darlawn, Serchhip, Saitual, Kawrthah Pastor Bial chung atangin Kohhran aiawh 18 an training a, Resource persons te chu - Rev. R. Lalhmingshanga, Rev. J. Vanlalhnuna, Rev. Zothansanga, Rev. Lalchungnunga leh Dr. Ruth Lalmuanpui te an ni.

□ **MSSU**

♦ July 18 - 20, 2014 hian Sialhawk Kohhranah Sunday School Zirtirtu Training neih a ni dawn a, hemi neihpui tur hian T.Upa Lalthahluna Ralte, MSSU Asst. Coordinator leh Upa Lalchuanawma, Zuangtui (MSSU Trainer) te an kal ang.

♦ July 18 - 20, 2014 hian Biate Bial huapin Biate Kohhranah Sunday School Zirtirtu Training neih a ni dawn a, hemi neihpui tur hian Upa K. Vanlalnghaka, Ramhlun East leh Upa F. Zohmangaiha, Zemabawk Vengthar (MSSU Trainers) te an kal ang.

□ **Social Front**

July 18 & 19, 2014 hian Sakawrdai Bial huapin Sakawrdaiha Zu leh Ruihlo chungchang Seminar neih a ni dawn a, hemi neihpui tur hian Pu Alan Lalmuanpuia leh Pu Lalhmunsanga, Campaigner te an kal ang.

□ **Presbyterian English School**

Vawiin (July 17, 2014) chawhnu hian Upa D.P. Biakkhuma, Supervisor of Schools chuan Presbyterian English School, Republic Veng a tlawh ang a, naktuk (July 18, 2014) chawhnuah Presbyterian English School, Dawrpui Vengthar a tlawh leh ang. July 21, 2014 (Thawhtanni) chawhnuah Presbyterian English School, Tuikual a tlawh leh ang a, July 22, 2014 (Thawhlehi) chawhnuah Presbyterian English School, Luangmual a tlawh leh ang a, July 23, 2014 (Nilaini) chawhnuah Presbyterian English School, Tanhril a tlawh leh ang.

□ **Kohhran Hmeichhia**

♦ July 18 - 20, 2014 hian Shillong leh Madanring Kohhranah Leadership Training & Kristian Chhungkaw Campaign neih a ni dawn a, hemi neihpui tur hian Central Kohhran Hmeichhe hruaitu Pi C. Lalhmangaihi (Chairman), Pi Vanrammawii, Pi Lalrindiki leh Pi R. Rengkhumi (Committee Members) te an kal ang.

♦ July 18 - 20, 2014 hian Lunglei Bazar Veng Kohhranah Leadership Training & Kristian Chhungkaw Campaign neih a ni dawn a, hemi neihpui tur hian Central Kohhran Hmeichhe hruaitu Pi Ramngaisangi, Pi Lalbiakengi leh Pi Lalsiammawii, Committee Members te an kal ang.

□ **Kristian Thalai Pawl**

♦ July 18 - 20, 2014 hian Zamuang Bialin Half Year Meet an hmang dawn a, hemi hmanpui tur hian Dr. Lalliansanga, Asst. Secretary leh Pu Lalhangvunga Sailo, Committee Member te an kal ang.

♦ KTP General Conference (2014)-a rel angin Branch tinin an wawi khat inkhawm thawhlawm Synod Hospital Chairty atan Bial-ah an theh lut a, Bial hrang hrangin Central KTP-ah an chung lut mek. Hun remchang hmasaah heng charity tling khawm hi Synod Hospital-ah hlan a ni ang.

♦ Synod Moderator Rev. K. Lalhmuchhuaka leh Mizoram Synod Choir, Presbyterian Church of Wales tlawha zinte chuan tukin (July 17, 2014) khan Kolkata an lo thleng a, July 19, 2014 (Inrinni) hian Aizawl panin an lo haw ang. July 7, 2014 khan Kolkata chhuahsanin London an pan a, PC Wales General Assembly hmanpuiin Moderator-in duhsakna thuchah a sawi a, Synod Choir-in hla 2 an rem bawk. An cham chung hian Bala (Pi Teii) te khua leh Llansannan (Rev. Owen Zolawma bial)-ah rawngbawlna an nei a, Llangollen International Musical Eisteddfod-ah an zai bawk. Eisteddfod hi Welsh ho Rimawi Kut ropui tak, kum tina khawvel pum huapa zaithiam chi hrang hrangte intawhkhawmna a ni a. Synod Choir hi an telna Open Category-ah 4-na an ni. An lo haw lamah London-a Mizote nen hun hmang hovin chawhlu an lo buatsaihsak a ni.

Central KTP chuan Synod Choir zin report pekna leh lawmthusawi inkhawmna tur Kohhran hrang hrangah hetiang hian ruahmanna a siam :-

July 20, 2014 (Zan) - Bungkawn Kohhran August 3, 2014 (Chawhnu) - Chanmari Kohhran

July 27, 2014 (Chawhnu) - Bawngkawn Kohhran August 3, 2014 (Zan) - Mission Vengthlang Kohhran

July 27, 2014 (Zan) - Tuikhuahtlang Kohhran

□ **Synod Hospital Hriattirna**

Synod Hospital, Durtlang chuan GNM zir tur a la dawn a, 10+2 emaw a tlukpui emaw pass, 45% mark hmu chin, Nupui/Pasal la nei lo, kum 17-35 inkar tan dil theih a ni. August 1 - 23, 2014 chhungin Prospectus/Application Form (Rs. 100/- man) Principal Office, School of Nursing, Synod Hospital, Durtlang-ah emaw Fraser's Clinic, Mission Vengah dar 9:00 am - 4:00 pm chhungin lei theih a ni. Application form hi mahni ngeiin Principal Office-ah thehluh tur a ni.

□ **Hruaina Eng FM Radio & TV Programme**

♦ **JULY 18 (FM Zoawi Aizawl @ 7:30 p.m.) :**

**Solo :** Hlim hlimi - I remruat ka tan a tawh, **Choir :** Mizoram Synod Choir - Lalpa fakin kan zai ang, **Thuchah :** Upa D.P. Biakkhuma - Mizoram siam that nan Zirna, **Solo :** Mafeli - Siamtu remruat, **Choir :** Arned Veng Presbyterian Kohhran Zaipawl - Buaina Khawvel, **Solo :** Henry Varte - I hminghlu hi

♦ **JULY 18 (FM Lunglei @ 7:30 p.m.) :**

**Solo :** Hlim hlimi - I remruat ka tan a tawh, **Choir :** Mizoram Synod Choir - Lalpa fakin kan zai ang, **Thuchah :** Upa D.P. Biakkhuma - Mizoram siam that nan Zirna, **Solo :** Mafeli - Siamtu remruat, **Choir :** Arned Veng Presbyterian Kohhran Zaipawl - Buaina Khawvel, **Solo :** Henry Varte - I hminghlu hi

♦ **JULY 20 (TV Programme @ 3:00 p.m.) :**

**Interview :** Rev. Dr. Lalngurauva Ralte

□ **Susamachar Prasaran Programme**

**JULY 20 (Pathianni) 5:00 pm. Hindi Gospel Programme (Susamachar Prasaran) :**

**Group/Choir/Solo :** Tuikual Pastor Bial - Prabhu Mere, **Group/Choir/Solo :** Govt Complex Kohhran - Syon Desh, **Sermon :** Lalhruaitluanga - Isu Kaun hai, **Group/Choir/Solo :** Aizawl Venglai - Dil se me, **Group/Choir/Solo :** Chanmari West - Yesu Mere